

إمام العشق



أنا وانت...

وليل سافر

يجيب الشوق

لأجل ما يكمل باقيته نهار

ويرسم صورة شمسية

وفيها الضحكة حرية

بتكسر طوق

حيطان فارضة علينا حصار

أنا وانت

ماعادش الخوف يخوفنا

ولا يهوّب لحلق الباب

إمام العشق تالتنا
وشيخ جامع لحارتنا
ف بيحارب بقلب جريء
ومش هائب، ولا خايف
شيطان كداب
وانا وانت...
معانا الخطوة والسكة
وألف طريق
وطول ما الفكرة فكرتنا
وحاسبينها سنين بكرة
ودنيتنا؛
فكل الخوف بيتحول
ما بيننا سراب

أنا وانت...

وحكايتنا كتبناها

فروع النخلة والصفصاف

ما بين التمرة والضلة

بنتبدل ليالي عجاف

ف ليه بنخاف

ونمشي الخطوة ع الأعراف

طريق الجنة ف إيدنا

ما تيجي نشيل هموم روحنا

ونكسر حيلة العتمة

ب ١٠٠ كشاف

ونعمل خطوة معتادة

ف مطارحنا

تفرّحنا

ومانسلّمش أراضينا

لناس غيرنا

تجرّحنا

أنا وانت...

وقلب الليل